



草堂詩餘卷上

後集

滿江紅

春情

張仲宗

春水連天。桃花浪幾番風惡。雲乍起，遠山遮盡，
晚風還作。綠遍芳洲生杜若。楚帆帶雨煙中落。
認向來、沙觜共停橈，傷飄泊。○寒猶在，衾偏薄。
腸欲斷，愁難着。倚蓬窓，無寐引盃孤酌。寒食清
明都過了，可憐辜負年時約。想小樓、日日望歸
舟，人如削。

滿江紅

蘇子瞻

東武南城新堤固。漣漪杳溢。隱隱遍長林，高阜

臥紅堆碧。枝上殘花吹盡也。與君試向江邊覓。
問向前猶有幾多春。三之一。○官裏事。何時畢。
風雨外。無多日。相將泛曲水。滿城爭出。君不見。
蘭亭脩禊事。當時座上皆豪逸。到如今脩竹滿
山陰。空陳迹。

滿江紅 秋思

趙元稹

慘結秋陰。西風送。絲絲雨濕。凝望眼。征鴻幾字。
暮投沙磧。欲往鄉關何處是。水雲浩蕩。連南北。
但脩眉一抹。有無中。遙山色。○天涯路。江上客。
腸已斷。頭應白。空搔首。興嘆。莫年離隔。欲待忘
憂除。是酒柰酒行。欲盡愁無極。便挽將江水入
樽壘。澆胷臆。

滿江紅 退居

呂居仁

東里先生家。何在山陰溪曲。對一川平野。數椽
茅屋。昨夜江頭新雨過。門前流水清如玉。抱小
橋。回合柳。參天搖新綠。○踈籬下。叢叢菊。虛簷
外。蕭蕭竹。嘆古今得失。是非榮辱。須信人生歸
去好。世間萬事。何時足。問此青春醞酒。何如今
朝熟。

滿江紅 詠雨

半帳高眠寒窓靜。瀟瀟雨意。南樓近。更移三鼓。漏傳一水。點點不離楊柳外。聲聲只在芭蕉裏。也不管。滴破故鄉心。愁人耳。○無似有。遊絲細。聚復散。真硃碎。天應分付與。別離滋味。破我一床蝴蝶夢。輸他雙枕鴛鴦睡。向此際。別有好思量。人千里。

滿江紅 杜鵑

康伯可

惱殺行人東風裏。爲誰啼血。正青春未老。流鶯方歇。蝴蝶枕前顛倒夢。杏花枝上朦朧月。問天涯何事。苦關情。思離別。○聲一喚。腸千結。圍嶺外。江南陌。正長堤楊柳。翠條堪折。鎮日叮嚀千百遍。只將一句頻頻說。道不如歸去。不如歸。傷情切。

臨江仙 立春

賀方回

復齋漫錄云。方圓詞有。鴈後歸詞。乃山谷守當塗。方圓過之。人曰。席上作腔本臨江仙。山谷以方圓用薛道衡詩。故易以鴈後歸。云。今仍其舊。唐劉鍊傳記。隋薛道衡聘陳爲人。日詩首云。入春纔七日。離家已二年。南人噓之。又云。人歸落鴈後。思發在花前。乃曰。名下無虛士。

巧剪合歡羅。勝子釵頭春。意翩翩。艷歌淺笑拜。嫣然願郎宜。此酒行樂駐華年。○未至文園多

病客幽襟悽斷堪憐。舊遊夢掛碧雲邊。人歸落
鴈後，思發在花前。

臨江仙 春情

綠暗汀洲三月暮，落花風靜帆收。垂楊低映木
蘭舟。半篙春水滑，一段夕陽愁。○灞水橋東回
首處，美人親上簾鉤。青鸞無計入紅樓。行雲歸
楚峽，飛夢到揚州。

臨江僊 夏意

歐陽永叔

池外輕雷池上雨，雨聲滴碎荷聲。小樓西角斷
虹明。欄干倚處，待得月華生。○燕子飛來窺畫
棟，玉鈎垂下簾旌。涼波不動簟紋平。水晶雙枕
傍，有墮釵橫。

臨江仙 夜景

李知幾

煙柳疎疎人悄悄，畫樓風外吹笙。倚欄聞喚小
紅聲。薰香臨欲睡，玉漏已三更。○坐待不來來
不去，一方明月中庭。粉牆東畔小樓橫。起來花
影下，扇子撲飛螢。

臨江仙 夜登小閣憶

陳去非

若溪漁隱云：去非舊有詩云：風流丘壑
真吾事，籌策廟堂非所知。其後登政府
無所建明，卒如其言。九日詞云：九日登
臨，有故常隨晴隨雨，一傳觴用退之准。

西碑欲事故常之語如憶吳中舊遊臨江仙一闕清婉奇麗簡齋詞集惟此詞最優

憶昔午橋橋上飲。坐中多是豪英。長溝流月去無聲。杏花疎影裏。吹笛到天明。○二十餘年成一夢。此身雖在堪驚。閑登小閣看新晴。古今多少事。漁唱起三更。

臨江仙 宮詞

鹿虔扈

按周美成小詞云燕子不知何世向尋常陌巷人家相對如說興亡斜陽裏亦是就烟月不知人事改句變化出來

金鑰重門荒苑靜。綺窓愁對秋空。翠華一去寂無蹤。玉樓歌吹聲斷已隨風。○煙月不知人事改。夜闌還照深宮。藕花相向野塘中。暗傷亡國。清露泣香紅。

臨江仙 離懷

王逐客

別岸相逢何草草。扁舟兩岸垂楊。綉屏珠箔綺香囊。酒深歌拍緩。愁入翠眉長。○燕子歸來人去也。此時無奈昏黃。桃花應似我心腸。不禁微雨。流淚濕紅粧。

洞仙歌 春情

李元膺

公自序云一年春物惟梅柳間意味最深至鶯花爛熳時則春已衰遲使人無

復新意予作洞仙歌使探春者歌之不致有後時之悔耳

雪雲散盡放曉晴庭院楊柳於人便青眼更風流多處一點梅心相映遠約畧嚙輕笑淺○一年春好處不在濃芳小艷踈香最嬌軟到清明時候百紫千紅花正亂已失春風一半早占取韶光共追遊但莫管春寒醉紅自暖

洞仙歌

呂直夫

征鞭帶月濃露沾襟袖馬上輕衫峭寒透望翠峰深淺憶着眉兒腰肢媚忍看風前細柳○別時頻囑付早寄書來能趁清明到家否這言語

便夢裏也在心頭重相見不知伊瘦我瘦縱百

卉千花已離披也趁得酴醾牡丹時候

洞仙歌

蘇子瞻

東坡自序云僕七歲時見眉州老尼姓朱忘其各年九十余自言嘗隨其師入蜀主孟相宮中一日大熱主與花藥夫人夜起避暑摩訶池上作一詞朱尚能記之今四十年朱已死矣人無知此詞者蜀記其首兩句數日尋味豈洞仙歌今平乃為是之

冰肌玉骨自清涼無汗水殿風來暗香滿綉簾

開一點明月窺人久未寢歌枕釵橫鬢亂○起

來携素手庭戶無聲時見躑躅星渡河漢試問夜

如何夜已三更金波淡玉繩低轉但屈指西風
幾時來又不道流年暗中偷換。

洞僊歌

晁無咎

茗溪叢話云九作詩詞要當如常山之
蛇救首救尾不可偏也如是無咎作中
秋洞仙歌其首云青煙翠幕處至開塔卧
柱影固已佳矣其後云待都將許多明
付與金樽至素秋千頃若此可謂善救
首尾者也至宋希真作中秋念奴嬌則
不知出此其首云挿天翠柳被何人推
上一輪明月照我藤床涼似水飛入瑤
臺銀闕亦已佳矣其後云洗盡凡心滿
身清露冷浸蕭蕭髮明朝塵世記取休
向人說此語句全無意味收拾
得不佳遂借太篇其氣索然矣

青煙翠處碧海飛金鏡。未夜闌塔卧挂影露凉

時零亂多少寒蟬神京遠惟有藍橋路近。○水
晶簾不下雲母屏開冷浸佳人淡脂粉待都將
許多明付金樽投晚共流霞傾盡更携取胡床
上南樓看玉做人間素秋千頃。

洞仙歌

李元膺

詠雨
廉纖細雨帶東風如困縈斷千絲為誰恨向楚
宮一夢多少悲涼無處問愁到而今未盡。○分
明都是淚泣柳沾花常與騷人伴孤悶記當年
得意處酒力方酣怯輕寒玉爐香潤又豈識情
懷苦難禁對點滴簷聲夜寒燈暈。

洞仙歌

垂虹橋

林外

飛梁壓水，虹影澄清曉。橘里漁村半煙草。嘆今來古往，物換人非，天地裏，惟有江山不老。○雨巾風帽，四海誰知我。一劍橫空幾番過。按玉龍馬入尺嘶未斷，月冷波寒，歸去也。林屋洞關無鎖。認雲屏煙障，是吾廬。任滿地蒼苔，年年不掃。

法曲獻仙音

感懷

周美成

蟬咽涼柯，燕飛塵幕。漏閣籤聲時度。倦脫綸巾，困便湘竹，桐陰半侵朱戶。向抱影凝情處。時聞打窓雨。○耿無語。歎文園近來多病，情緒懶尊酒。易成間阻。縹緲玉京人，想依然、京兆眉嫵。翠幕深中，對微容空在。絀素待花前月下，見了不教歸去。

聲聲令

春情

章質夫

簾移碎影，香褪衣襟。舊家庭院嫩苔侵。東風過盡暮雲鎖，綠窓深。怕對人閑枕剩衾。○樓底輕陰春信斷，怯登臨。斷腸魂夢兩沉沉。花飛未遠，便從今莫追尋。又怎禁、鷓鴣地上心。

聲聲慢

夏意

梅黃金重，雨細絲輕。園林霧煙如織。殿閣風微，簾外燕喧鶯寂。池塘彩鴛戲水，露荷翻、千點珠。

草堂詩集卷上後
八
滴。閑書末稱瀟湘竿叟爛柯仙客。○日午槐陰
低轉。茶甌罷。清風頓生雙腋。碾玉盤深。朱李靜
沉寒碧。朋儕閑歌白雪。卸巾紗樽俎狼籍。有皓
月照黃昏。眠又未得。

石州慢 春情

張仲宗

寒水依痕。春意漸回。沙際煙濶。溪梅晴照。生香
冷蘂。數枝爭發。天涯舊恨。試看幾許消魂。長亭
門外。山重疊。不盡眼中青。怕黃昏時節。○情切。
畫樓深閉。想見東風暗消肌雪。辜負枕前雲雨。
樽前花月。心期切處。更有多少。淒涼般。勤留與
歸時。說到得。再相逢。恰經年離別。

拜星月慢 秋思

周美成

夜色催更。清塵收露。小出幽坊。月暗。竹檻燈窓。
識秋娘。庭院笑相遇。似覺瓊枝玉樹。暖日明霞
光爛。水昉蘭情。總平生稀見。○畫圖中舊識春
風面。誰知道。自到瑤臺畔。春慙雨潤雲溫。苦驚
風吹散。念荒寒。寄宿無人館。重門閉。敗壁秋蟲
歎。怎奈何。一縷相思。隔溪山不斷。

惜餘春慢 春情

魯逸仲

弄月餘花團。風輕絮露濕。池塘春草。鶯鶯意友。

草堂詩餘卷上後
九
燕燕將雛。惆悵睡殘清曉。還似初相見時。携手
旗亭。酒香梅小。向登臨長是傷春滋味。淚彈多
少。○因甚却輕許風流。終非長久。又說分飛煩
惱。羅衣瘦損。綉被香消。那更亂紅如掃。門外無
窮路。岐天若有情。和天須老。念高唐歸夢。淒涼
何處。水流雲遶。

瀟湘逢故人慢

夏意

王和甫

薰風微動。方榴花弄色。萱草成窩。翠幃敞輕羅。
初試冰簟。展幾尺湘波。踈簷廣廈。稱瀟湘一枕。
南柯引多少。夢魂歸緒。洞庭雨。棹煙蓑。○驚回
處。閑晝永。更時時燕雛鶯友。相過。正綠影婆娑。
况庭有幽花。池有新荷。青梅煮酒。幸隨分羸取。
高歌。功名事。到頭終在。歲華忍負清和。

驀山溪

春情

易彥祥

海棠枝上。留得嬌鶯語。雙燕幾時來。並飛入東
風院宇。夢回芳草。綠遍舊池塘。梨花雪。桃花雨。
畢竟春誰主。○東郊拾翠襟。袖露飛絮。寶馬趁
雕輪。亂紅中。香塵滿路。十千斗酒。相與買春閑。
吳姬唱。秦娥舞。拚醉青樓暮。

驀山溪

張東父

青梅如豆。斷送春歸去。小綠間長紅。看幾處雲
歌柳舞。偎花識。面對月共論心。携素手。採香遊
踏遍西池路。○水邊朱戶。曾記銷魂處。小立背
秋千。空悵望。娉婷韻度。楊花撲面。香糝一簾風
情脉脉。酒厭厭。回首斜陽暮。

驀山溪

黃魯直

雪浪齋日記云山谷此詞云春未透花
枝瘦正是愁時候極為學省稱賞秦堪
嘗有小詞云春透水波明
寒峭花枝瘦蓋法此也

鴛鴦翡翠小小思珍偶。眉黛斂秋波。儘湖南山
明水秀。娉娉娟娟恰似十三餘。春未透花枝瘦。
正是愁時候。○尋芳載酒肯落誰人後。祇恐遠
歸來。綠成陰。青梅如苦。心期得處。每自不由人。
長亭柳。君知否。千里猶回首。

驀山溪

宋謙父

壺山居士未老心先懶。愛學道人家。辦竹几蒲
團茗椀。青山可買。小結屋三間。開一逕。俯青溪
脩竹栽教滿。○客來便請隨分家常飯。若肯小
留連。更薄酒三杯。兩瓊吟詩度曲。風月任招呼。
身外事不關心。自有天公管。

驀山溪

曹元寵

洗粧真態不假鉛華飾。竹外一枝斜。想佳人天
寒日暮。黃昏院落。無處着清香。風細細。雪垂垂。
何况江頭路。○月邊疎影。夢到銷魂處。結子欲
黃時。又須作。廉纖細雨。孤芳一世。供斷有情愁。
消瘦損。東陽也。試問花知否。

踏莎行

春情

歐陽永叔

候館梅殘。溪橋柳細。草芳風暖。搖征轡。離愁漸
遠。漸無窮。迢迢不斷如春水。○寸寸柔腸。盈盈
粉淚。樓高莫近危欄倚。平蕪盡處是春山。行人
更在春山外。

踏莎行

寇平叔

小徑紅稀。芳郊綠遍。高臺樹色陰陰見。春風不
解禁。楊花濛濛亂撲行人面。○翠葉藏鶯。朱簾
隔燕。爐香靜逐遊絲轉。一場愁夢酒醒時。斜陽
却照深深院。

踏莎行

寇平叔

春色將闌。鶯聲漸老。紅英落盡青梅小。畫堂人
靜。雨濛濛。屏山半掩餘香裊。○密約沉沉。離情
杳杳。菱花塵滿慵將照。倚樓無語欲魂銷。長空
黯淡連芳草。

踏莎行

黃魯直

臨水天桃倚牆繁李。長楊風掉青驄尾。坐中有
酒可酬春。更尋何處無愁地。○明日重來。落花
如綺。芭蕉漸着山公啓。欲牋心事寄天公。教人
長壽花前醉。

踏莎行

秦少游

冷齋夜話云少游到郴州作此詞東坡
絕愛其尾兩句自書於扇曰少游已矣
雖萬人何贖范元實詩眼云余誦淮海
小詞云杜鵑聲裏斜陽暮山谷曰此詞
高絕但既云斜陽又曰暮即重出也欲
改斜陽爲簾櫳余曰既言孤館閉春寒
似無簾櫳山谷曰亭傳雖未必有簾櫳
有亦無害余曰此詞本樸寫牢落之狀
若曰簾櫳然恨初意山谷曰極難得好
字當徐思之然余因此曉句法不當重

霧失樓臺月迷津渡。桃源望斷無尋處。可堪孤
館閉春寒。杜鵑聲裏斜陽暮。○驛寄梅花魚傳
尺素。砌成此恨無重數。郴江幸自遶郴山。爲誰
流下瀟湘去。

踏莎行 秋思

徐師川

玉露團花金風破霧。高臺與上晴空去。舉杯相
屬看前山。煙中亂疊青無數。○皓齒纖腰肌香
體素。惱人正在秋波注。因何欲雨又還晴。歌聲

得得行雲住。

少年遊 春情

晏叔平

綠勾欄畔。黃昏淡月。攜手對殘紅。紗窗影裏。朦
騰春睡。繁杏小屏風。○須愁別後。天高海濶。何
處更相逢。幸有花前一盃芳酒。歸計莫匆匆。

少年遊

張子野

碎霞浮動曉朦朧。春意與花通。銀瓶素縷。玉泉
金甃。真色浸朝紅。○花枝人面。難常見。青子小
叢叢。韶華長在。明年依舊。相與笑東風。

少年遊 秋思

晏叔原

雕梁燕去。裁詩寄遠。庭院舊風流。黃花醉了。碧
梧題罷。閒臥對高秋。○繁雲破後。分明素月。涼
影掛金鈎。有人凝澹倚西樓。新樣兩眉愁。

少年遊

周美成

并刀如水。吳鹽勝雪。纖手破新橙。錦幄初溫。獸
烟不斷。相對坐調笙。○低聲問向誰行宿。城上
已三更。馬滑霜濃。不如休去。直自少人行。

浣溪沙

李後主

菡萏香消翠葉殘。西風愁起綠波間。還與韶光
共憔悴。不堪看。○細雨夢回雞塞遠。小樓吹徹

玉笙寒。多少淚珠無限恨。倚闌干。

浣溪沙

春情

歐陽永叔

湖上朱橋響畫輪。溶溶春水浸春雲。碧琉璃滑
淨無塵。○當路遊絲繁醉客，隔花啼鳥喚行人。
日斜歸去奈何春。

浣溪沙

歐陽永叔

侯鯖錄云歐陽永叔浣溪沙云堤上遊人逐畫船拍堤春水四垂天綠楊樓外出秋千此等語要皆絕妙只一山字是後人着意道不到處黃魯直云東坡居士出世所見者幾百首或謂於音律小不諧此詞橫放傑出自是曲子中縛不皆住

堤上遊人逐畫船。拍堤春水四垂天。綠楊樓外
出秋千。○白髮載花君莫笑。六么山名催拍盞頻傳。人生何處似樽前。

浣溪沙

水漲魚天拍柳橋。雲拖雨過江皋。一番春信入
東郊。○閑碾鳳團消短夢。靜看燕子壘新巢。又
移日影上花梢。

浣溪沙

雨過殘紅濕未飛。珠簾一帶透斜暉。遊蜂釀蜜
竊香歸。○金屋無人風竹亂。夜篝盡日水沉微。

一春須有憶人時。

浣溪沙

李景

溫叟詩話李景有曲云手捲真珠上王鈞或改為珠簾舒信道有曲云十年馬上春如夢或改云如春夢非所謂知音

手捲真珠上王鈞。依前春恨鎖重樓。風裏落花誰是主。思悠悠。青鳥不傳雲外信。丁香空結雨中愁。回首綠波三峽暮。接天流。

浣溪沙

小院閑窓春色深。重簾未捲影沉沉。倚樓無語理瑤琴。遠岫出雲催薄暮。細風吹雨弄輕陰。

梨花欲謝恐難禁。

浣溪沙

風壓輕雲貼水飛。乍晴池館燕爭泥。沈郎多病不勝衣。沙上未聞鴻鴈信。竹間時有鷓鴣啼。此情惟有落花知。

浣溪沙

漁隱叢話晏元獻公赴杭州道過維揚憇大明寺真目徐行使侍史誦壁間詩板戒其勿言爵里姓名終篇者無幾又俾別誦一詩云水調隋宮曲當年亦九成哀音已亡國廢沼尚留名儀鳳然陳迹鳴哇只廢聲淒涼不可問落日下蕪城問之乃江都尉王琪詩也召至同飯又同步遊池上春晚已有落花晏云每

得句書牆壁間或彌年未嘗對且如無
可奈何花落去至今未能也王應聲曰
似曾相識燕歸來
自此碎置館職

一曲新詞酒一盃。去年天氣舊亭臺。夕陽西下
幾時回。○無可奈何花落去，似曾相識燕歸來。
小園香逕獨徘徊。

浣溪沙

周美成

樓上晴天碧四垂。樓前芳草接天涯。勸君莫上
最高梯。○新笋看成堂下竹，落花都上燕巢泥。
忍聽林表杜鵑啼。

浣溪沙

周美成

翠葆參差竹徑成。新荷跳雨淚珠傾。曲欄斜轉
小池亭。○風約薰衣歸燕急，水搖扇影戲魚驚。
柳稍殘日弄微晴。

浣溪沙

周美成

薄薄紗厨望似空。簾紋如水浸芙蓉。起來嬌眼
未醒惚。○強整羅衣擡皓腕，更將紈扇掩酥胸。
羞郎何事面微紅。

浣溪沙

錦帳重重捲暮霞。屏風曲曲闌紅牙。恨人何事
苦離家。○枕上夢魂飛不去，覺來紅日又西斜。

蒲庭芳草觀殘花。

浣溪沙

水蒲池塘花滿枝。亂香深裏語黃鸝。東風輕軟
弄簾幃。○日正長時春夢短。燕交飛處柳煙低。
玉牕紅子闌棊時。

浣溪沙

青杏園林煮酒香。佳人初試薄羅裳。柳絲搖曳
燕飛忙。○乍雨乍晴花易老。閑愁閑悶日偏長。
爲誰消瘦減容光。

浣溪沙

日射欹紅蠟蒂香。風乾微汗粉襟涼。碧綃對捲
簾紋光。○自剪柳枝明畫閣。戲拋蓮葯種橫塘。
長亭無事好思量。

浣溪沙

蘇子瞻

樓倚江邊百尺高。暮煙收處見歸橈。幾時期信
似春潮。○花片片飛風弄葉。柳陰陰下水平橋。
日長人去又今宵。

浣溪沙

蘇子瞻

玉腕冰寒滴露華。粉融香雪透輕紗。晚來粧面
勝荷花。○鬢鞦欲迎眉際日。酒紅初上臉邊霞。

一場春夢日西斜。

浣溪沙

蘇子瞻

軟軟衣巾落棗花。村南村北響綵車。半依古柳賣黃瓜。○酒困路長惟欲睡，日高人渴謾思茶。敲門試問野人家。

西江月

朱希真

黃王林云希真又有一闕云日日深盃酒滿朝朝小圃花開自歌自舞自開懷且喜無拘無碍○青史幾番春夢紅塵多少奇才不須計較與安排領取而今見在此一詞離淺意深可
以警世之後役於非望者
世事短如春夢人情薄似秋雲不須計較苦勞

心萬事元來有命。○去過三盃酒美况逢一朶花新片時歡笑且相親明日陰晴未定。

西江月

柳耆卿

鳳額綉簾高捲。獸頭朱戶頻搖。兩竿紅日上花梢。春夢厭厭難覺。○好夢往隨飛絮閑愁濃勝香醪。不成雨暮與雲朝。又是韶光過了。

西江月

司馬君實

侯鯖錄云司馬文正公言有俱高然有長短句風味極不淺也

寶髻匆匆梳就鉛華淡粧成。青烟紫霧罩輕盈。飛絮游絲無定。○相見爭如不見。有情何似無

情。笙歌散後酒初醒。深院月斜人靜。

西江月

黃魯直

後山詩話云此詞用韓文公遺興詩送一生惟有酒又贈鄭兵曹詩破除事無過酒纔去一字遂為切對而峻又云孟行到手莫留殘不道月斜人散謂思相離之憂則不得不盡飲或欲改為留連遂使兩句文義相失故併錄之

斷送一生唯有破除萬事無過。遠山橫黛蘸秋波。不飲傍人笑我。○花病等閑瘦弱。春愁沒處遮。攔盃行到手。莫留殘不道月斜人散。

西江月

蘇子瞻

東坡自序云春夜行新水中過酒家飲酒醉乘月至一溪橋上解鞍少休及覺已曉亂山愈亂不辨人世也善此詞橋上人

照野瀾瀾淺浪橫空。曖曖微霄。障泥未解玉駉驕。我欲醉眠芳草。○可惜一溪明月。莫教踏碎瓊瑤。解鞍欹枕綠楊橋。杜宇數聲春曉。

西江月

蘇子瞻

點點樓前細雨。重重江外平湖。當年戲馬會東徐。今日淒涼南浦。○莫恨黃花未吐。且教紅粉相扶。酒闌不必看茱萸。俯仰人間今古。

西江月

蘇子瞻

平山堂

三過平山堂下，半生彈指聲中。十年不見老仙翁。壁上龍蛇飛動。欲弔文章太守，仍歌楊柳春風。休言萬事轉頭空。未轉頭時皆夢。

西江月 佳人

蘇子瞻

碧霧輕籠兩鳳寒，煙淡拂雙鴉。為誰流睇不歸家。錯認門前過馬。有意偷回笑眼，無言強整衣紗。劉郎一見武陵花。從此春心蕩也。

西江月 梅花

蘇子瞻

今蘇詩話云東坡在惠州作梅花詞時侍兒名胡雲者新亡其寓意蓋為胡雲作也高齋詩話云高情已逐曉雲空不與梨花同發後見上昌齡梅詩落落

與路不分夢中喚作梨花雲方知坡老用此詩也

玉骨那愁瘴霧，冰肌自有仙風。海仙時遣探芳叢。倒掛綠毛么鳳。南海有珍禽名倒掛子綠毛如鸚鵡而小○素面翻嫌粉澆，洗粧不褪唇紅。高情已逐曉雲空。不與梨花同夢。

西江月 春情

辛幼安

野棠花落，又匆匆過了清明時節。剗地東風欺客夢。一枕雲屏寒怯。曲岸持觴，垂楊繫馬。此地曾經別。樓空人去，去舊遊飛燕能說。○聞道新雨東頭行人曾見，簾底纖纖月。舊恨春江流不盡。

新恨雲山千疊。料得明朝尊前重見。鏡裏花難折。也應驚問。近來多少華髮。

酹江月

西湖

辛幼安

曉風吹雨戰新荷。聲亂明珠蒼壁。誰把香奩收。寶鏡雲錦周遭紅碧。飛鳥翻空。游魚吹浪。慣聽笙歌席。坐中豪氣。看君一飲千石。○遙想處士風流。鶴隨人去。已作飛仙客。茅舍竹籬今在否。松竹已非疇昔。欲望當年望湖樓下。水與雲寬窄。醉中休問。斷腸桃葉消息。

青門引

春情

張子野

輕暖還輕冷。風雨晚來方定。庭軒寂寞近清明。殘花中酒。又是去年病。○樓頭畫角風吹醒。入夜重門靜。那堪更被明月。隔牆送過鞦韆影。

陽關引

離懷

寇平仲

塞草煙光闊。渭水波聲咽。春朝雨霽輕塵歛。征鞍發。指青青楊柳。又是輕攀折。動黯黯。知有後會甚時節。○更盡一盃酒。歌一闕。歎人生裏難歡聚。易離別。且莫辭沉醉。聽取陽關徹。念故人千里。自此共明月。

華胥引

秋思

周美成

川原澄映。煙月冥濛。去舟似葉。岸足沙平。蒲根
水冷。留鴈唼。別有孤角吟秋。對曉風鳴。軋紅日
三竿。醉頭扶起。寒怯。○離思相縈。漸星星鬢絲
堪鑷。舞衫歌扇。何人輕怜。細閱點檢。從前恩愛
鳳牋盈篋。愁剪燈花。夜來和淚雙疊。

蕙蘭芳引

周美成

寒瑩晚空。點青鏡。斷霞孤鶩。對客館深。扇霜草
未衰。更綠。倦遊厭旅。但夢繞阿嬌。金屋想故人
別後。盡日空疑風竹。○塞北氍毹。江南圖障。是
處溫煥。更花管雲。殘猶寫寄情舊曲。音塵迢遞
但勞遠目。今夜長爭奈。枕單人獨。

梅花引

冬懷

万俟雅言

曉風酸。曉霜乾。一鴈南飛。人度關。客衣單。客衣
單。千里斷魂空。歌行路難。○寒梅驚破。前村雪。
寒鷄啼破。西樓月。酒腸寬。酒腸寬。家在日邊。不
堪頻倚欄。

江城梅花引

娟娟霜月冷。侵門怕黃昏。又黃昏。手撚一枝獨
自對芳樽。酒又不禁花。又惱漏聲遠。一更更。總
斷魂。○斷魂斷。魂不堪聞。被半溫。香半薰。睡也

睡也睡不穩。誰與溫存。惟有床前銀燭照啼痕。
一夜為花憔悴損。人瘦也。比梅花瘦幾分。

青玉案 春情

一年春事都來幾。早過了三之二。綠暗紅嫣渾
可事。垂楊庭院。暖風簾幙。有箇人憔悴。○買花
載酒長安市。又爭似家山見桃李。不枉東風吹
客淚。相思難表。夢魂無據。惟有歸來是。

青玉案

賀方回

潘子真詩話云世稱方回新作梅子黃
時雨為絕唱蓋川寇萊公語也寇云杜
鵲啼處血成花梅
子黃時雨如霧

凌波不過橫塘路。但目送芳塵去。錦瑟年華誰
與度。月樓花院。綺窓朱戶。惟有春知處。○碧雲
冉冉衡皋暮。綠筆空題斷腸句。試問閑愁知幾
許。一川煙草。滿城風絮。梅子黃時雨。

青玉案 詠雪

陳瑩中

碧空黯淡同雲縹。漸枕上風聲峭。明透紗牕天
欲曉。珠簾纔捲。美人驚報。一夜青山老。○使君
命客金樽倒。正千里瓊瑤未經掃。欺壓江梅春
信早。十分農事。滿城和氣。管取來年好。

青玉案 感懷

人生南北如岐路。世事悠悠等風絮。造化小兒無定據。翻來覆去。倒橫直豎。眼見都如許。○伊周功業何須慕。不學淵明便歸去。坎止流行隨所寓。玉堂金馬。竹籬茅舍。總是無心處。

玉聯環 春情

張子野

來時露浥衣香潤。綵絲垂髮。捲簾還喜。月相親。把酒與花相近。○西去陽關休問。未歌先恨。玉峰山下。水長流。流水盡。情無盡。

繫裙腰

張子野

惜霜澹照夜雲天。朦朧影畫勾欄。人情縱似長情月。算一年年。又能得幾番圓。○欲寄西江題葉字。流不到五亭前。東池始有荷新綠。尚小如錢。問何日藕幾時蓮。

小重山

趙德仁

樓上風和玉漏遲。秋千庭院靜。落花飛。午牕纔起。暖金卮。勻面了。闌畔看春池。○何事苦顰眉。碧雲春信斷。儘來時。鴛鴦遊戲。鎮相隨。雲霧歛。新月掛天西。

小重山

花過園林清蔭濃。琅玕新脫箨。綠叢叢。語聲只

在小池東。閑歌枕。直面菱荷風。○斜日敲簾櫳。輕塵飛不到。畫堂空。一樽今夜與誰同。人如玉。相對月明中。

小重山 宮春

和凝

和凝為石晉宰相。有喜遷鶯一詞云。曉月墜宿雲。披銀燭。錦屏推。建章鍾動玉繩低。宮漏出。花遲。○春態淺。來雙燕。紅日漸長。一線嚴粧。欲罷轉黃鸝。飛上萬年枝。此詞與小重山詞語意相類。至於薄命女一詞云。天欲曉。宮漏穿花聲。繞窓裏。星光少。○冷露寒。侵帳額。殘月光。沉樹杪。夢斷錦幃空。惜惜強起愁眉。小此詞頗畫宮中幽怨之意。併附下此。

春入神京萬木芳。禁林鶯語滑。蝶飛忙。曉桃凝露妬啼粧。紅日未。風和百花香。○煙鎖柳絲長。御溝澄碧水。轉池塘。時時微雨洗風光。天衢遠。到處引笙簧。

小重山 宮詞

韋端已

一閉昭陽春又春。夜寒宮漏末。夢君恩。卧思陳事暗銷魂。羅衣濕。紅袂有啼痕。○歌吹隔重闌。遶庭芳草綠。倚長門。萬般惆悵向誰論。願情立。官殿欲黃昏。

小重山 秋思

汪彥章

月下潮生紅蓼汀。殘霞都斂盡。四山青。柳稍風

急墮流螢。隨波去。點點亂寒星。○別語記丁寧。
如今能間斷。幾長亭。夜來秋氣入銀屏。梧桐雨。
還恨不同聽。

小冲山 立春

李漢老

誰勸東風臘裏來。不知天待雪。惱江梅。東郊寒
色尚徘徊。雙綵燕。飛傍鬢雲堆。○玉冷曉粧臺。
宜春金縷剪。拂香腮。紅羅先繡踏青鞋。春猶淺。
花信更須催。

小冲山 佳人

宋豐之

花樣妖嬈。柳樣柔。眼波流不斷。滿眶秋。窺人佯
整玉搔頭。嬌無力。舞罷却成羞。○無計與遲留。
滿懷禁不得許多愁。一溪春水送行舟。無情月。
偏照水東樓。

柳梢青 豐樂樓

趙忠定

水月光中。烟霞影裏。湧出樓臺。空外笙簫。人間
笑語。人在蓬萊。○天香暗逐風回。正十里荷花
盛開。買箇小舟。山南遊遍。山北歸來。

柳梢青 春情

岸草平沙。吳王故苑。柳裊煙斜。雨後寒輕。風前
香軟。春在梨花。○行人一棹天涯。酒醒處。殘陽

亂鴉門外鞦韆墻頭紅粉深院誰家。

柳梢青

子規啼血，可憐又是春歸時節。滿院東風，海棠鋪綉，梨花飛雪。○丁香露泣殘枝，銷未比愁腸寸結。自是休文，多情多感，不干風月。

柳梢青

佳人

有箇人人，海棠標韻，飛燕輕盈。酒暈潮紅，羞娥疑綠，一笑生春。○爲伊入限熏心，更說甚巫山楚雲。斗帳香消，紗窗月冷，着意溫存。

金蕉葉

夜宴

柳耆卿

厭厭夜飲平陽第，添銀燭、旋呼佳麗。巧笑難禁，艷歌無間，聲相繼。準擬暮天席地。○金蕉葉泛金波，霽未更闌已盡狂醉。就中有箇風流，暗向燈光底，惱徧兩行珠翠。

減字木蘭花

登巫山縣樓

黃魯直

襄王夢裏草綠烟深，何處是宋玉臺頭。暮雨朝雲幾許愁。○飛花漫漫，不管羈人腸欲斷，春水茫茫。欲渡南陵，更斷腸。

木蘭花令

春情

賈子明

都城水綠嬉遊處，仙棹往來人笑語。紅隨遠浪

泛桃花雪散平堤飛柳絮。○東君欲共春歸去。
一陣狂風和驟雨。碧油紅旆錦障泥。斜日畫橋
芳草路。

木蘭花令 冬懷

徐昌圖

沉檀煙起盤紅霧。一剪霜風吹繡戶。漢宮花面
學梅粧。謝女雪詩裁柳絮。○長垂天幕孤鸞舞。
旋灸銀笙雙鳳語。紅窓酒病對寒冰。未覺相思
無夢處。

木蘭花慢 重陽

京仲遠

笑秋來景物皆勝賞。况重陽。正露冷欲霜輕煙
不雨。玉宇開張。蜀人從來好事。遇良辰不肯負
時光。藥市家家簾幙。酒樓處處絲簧。○婆娑老
子興難忘。聊復與平章也。隨分登高。茱萸綴席。
菊葉浮觴。明年未知誰健。笑杜陵底事獨淒涼。
不道頻開笑口。年年落帽何妨。

雨中花 夏意

王逐客

百尺清泉聲陸續。映瀟灑碧梧翠竹。面千步回
廊。重重簾幙。小枕欹寒玉。○試展鮫綃看畫軸。
見一片瀟湘凝綠。待玉漏穿花。銀河垂地。月上
欄干曲。

滿路花

冬懷

周美成

金花落燼燈銀鑠。鳴窓雪。庭深微漏斷。行人絕。
風扉不定。竹圃琅玕折。主人新問濶。着甚悰情。
更當恁地時節。○無言欹枕。帳底流清血。愁如
春後絮來相接。知他那裏。爭信人心切。除共天
公說。不成也。還似伊無箇分別。

滿路花

周美成

簾烘淚雨乾。酒壓愁城破。冰壺防飲渴。培殘火。
朱消粉褪。絕勝新梳裹。不是寒宵短。日上三竿。
婦人猶要同卧。○如今多病。寂寞章臺左。黃昏
風弄雪。門深鎖。蘭房密愛萬種思。量過也。須知
有我。着甚情悰。你但忘了人呵。

促拍滿路花

春情

秦少游

露顆添花色。月彩投窓隙。春思如中酒。恨無力。
洞房咫尺。曾寄青鸞翼。雲散無蹤跡。羅帳薰殘。
夢回無處尋覓。○輕紅膩白。步步薰蘭澤。約腕
金環重。慵裝飾。未知安否。一向無消息。不是尋
常憶。憶後教人片時存濟不得。

鬪百花

柳耆卿

煦色韶光明媚。輕霧低籠芳樹。池塘淺蘸煙蕪。

簾幙閑垂風絮。春困厭厭拋擲。開草工夫冷落
踏青心緒。終日扃朱戶。○遠恨綿綿。淑氣遲遲
難度。年少傳粉。依前醉眠何處。深院無人。黃昏
乍拆鞦韆。空鏤浦亭花雨。

花心動

阮逸女

仙苑春濃小桃開。枝枝已堪攀折。乍雨乍晴。輕
暖輕寒。漸近賞花時節。柳搖臺榭。東風軟。簾櫳
靜幽禽調舌。斷魂遠。閑尋翠徑。頓成愁結。○此
恨無人共說。還立盡黃昏。寸心空切。強整綉衾。
獨掩朱扉。簾枕爲誰鋪設。夜長官漏傳聲遠。紗
窓映銀缸明滅。夢回處。梅梢半籠淡月。

兩同心

柳耆卿

竚立東風。斷魂南國。花光媚春醉瓊樓。蟾彩廻
夜遊香陌。憶當時酒戀花迷。後損詞客。○別有
眼長腰搦。痛憐深惜。鴛衾冷。夕雨淒飛。錦書斷
暮雲凝碧。想別來好景良時。也應相憶。

念奴嬌

沈公述

杏花過雨。漸殘紅零落。烟脂顏色。流水飄香入
漸遠。難託春心脉脉。恨別王孫。墻陰目斷。手把
青梅摘。金鞍何處。綠楊依舊南陌。○消散雲雨

須臾多情因甚。有輕離輕拆。燕語千般爭解說。些子伊家消息。厚約深盟。除非重見見了方端的。而今無奈。寸腸千恨堆積。

念奴嬌

李易安

蕭條庭院。又斜風細雨。重門須閉。寵柳嬌花寒食近。種種惱人天氣。險韻詩成。扶頭酒醒。別是閑滋味。征鴻過盡。萬千心事難寄。○樓上幾日春寒。簾垂四面。玉闌干慵倚。被冷香銷新夢覺。不許愁人不起。清露晨流。新桐初引。多少遊春意。日高煙斂。更看今日晴未。

念奴嬌

夏意

僧仲殊

故園避暑。愛繁陰翳日。流霞共酌。竹影篩金泉漱玉。紅映薇花簾箔。素質生風。香肌無汗。綉扇長閑却。雙鸞棲處。綠筠時下。風籟。○吹斷舞影歌聲。陽臺人去。有當年池閣。佩結蘭英。凝念久。言語精神依約。燕別雕梁。鴻歸紫塞。音信憑誰託。爭知好景。爲君長是。蕭索。

念奴嬌

中秋

憑高眺遠。見長空萬里。雲無留迹。桂魄飛來光射處。冷浸一天秋碧。玉宇瓊樓。乘鸞來去。人在

清涼國江山如畫。望中煙樹歷歷。○我醉拍手
狂歌。舉杯邀月。對影成三客。起舞徘徊。風露下
今夕。不知何夕。便欲乘風。翩然歸去。何用騎鵬
翼。水晶宮裏。一聲吹斷橫笛。

念奴嬌

葉少蘊

洞庭波冷。望冰輪初轉。滄海沉沉。萬頃孤光雲
陣。卷長笛吹破層陰。洶湧三江。銀濤無際。遙帶
五湖深。酒闌歌罷。至今鼉怒龍吟。○回首江海
平生。漂流容易。散住會難尋。縹緲高城。風露爽
獨倚危檻。重臨。醉倒清樽。嫦娥應笑。獨有向來

廣寒宮殿。爲余聊借瓊林。

念奴嬌

黃魯直

若溪漁隱山谷云八月十七日與諸甥
步自永安城入張寬夫園待月以金荷
葉酌客客有孫叔敏善長笛連作數曲
諸甥曰今日之會樂矣不可以無述公
因作此曲記之文不加點或
以爲可繼東坡赤壁之詞云

斷虹霽雨。爭秋空。山染脩眉新綠。桂影扶疎。誰
便道。今夕清輝不足。萬里青天。嫦娥何處。駕此
一輪玉。寒光零亂。爲人偏照。醞醖。○年少從我
追遊。晚城幽徑。遶張園。森木共倒金荷。家萬里
難得樽前相屬。老子平生。江南江北。最愛臨風

草堂詩餘卷上後一
曲。孫郎微笑坐來聲。歎霜竹。

念奴嬌

范元卿

玉樓絳氣捲霞綃。雲浪飛空蟾魄。人世江上驚
照耀。煙靄鰲峰千尺。陸海蓬壺。銀葩星暈點破
琉璃碧。有人吟笑紫荷香滿晴陌。○况是東府
君侯。西清別騎。樽俎開華席。迤邐飛輪催杖履
入對青藜仙客。襦袴歌謠。昇平風露。拚取金蓮
側。梅花吹動。滿城依舊春色。

念奴嬌

范元卿

尋常三五問今夕。何夕。嬋娟都勝。天濶雲收前
浪靜。深碧琉璃千頃。銀漢無聲。水輪直上。桂濕
扶疎影。綸巾玉塵。度樓無限清興。○誰念江海
飄零。不堪回首。驚鵲南枝冷。萬點蒼山。何處是
修竹。吾廬三徑。香霧雲鬟。清輝玉臂。醉了愁重
醒。參橫斗轉。轆轤聲斷金井。

念奴嬌

朱希真

插天翠柳。被何人推上一輪明月。照我藤床涼
似水。飛入瑤臺銀闕。露冷笙簫。風清環珮。玉鎖
無人掣。閑雲收盡。海光天影相接。○誰信有藥
長生素娥。新煉就。飛霜液。雪擊碎珊瑚。爭似看

仙桂扶疎竒絕。洗盡凡心。滿身清露。冷侵瀟瀟
髮。明朝塵世。記取休向人說。

念奴嬌

李漢老

若溪漁隱云李漢老此詞有滿天霜曉
叫雲吹斷橫王之句乃用崔魯華清宮
詩銀河漾漾月輝輝樓碍天邊織女機
橫王叫雲清似水滿空霜逐一萍飛或
云叫雲乃
笛名非也

素光練靜映秋山隱隱修眉橫綠。鵲鵲樓高天
似水碧瓦寒生銀粟萬丈斜暉奔雲湧霧飛過
盧仝屋更無塵氣滿庭風碎梧竹。○誰念鶴髮
仙翁當年曾共賞紫巖飛瀑對影三人聊痛飲
一洗離愁千斛。斗轉參橫翩然歸去萬里騎黃
鵠。滿天霜曉叫雲吹斷橫玉。

念奴嬌

姚孝寧

素娥睡起駕冰輪碾破一天秋綠。醉倚高樓風
露下凜凜寒生肌粟。橫管孤吹龍吟風勁雪浪
翻銀屋。吐遊回首會稽何限脩竹。○今夜對月
依然樽前須快瀉。山頭鳴瀑吸此清光傾肺腑。
洗我明珠千斛。只恐嬋娟明年依舊衰鬢先成
鵠舉盃相勸爲予且掛團玉。

念奴嬌

韓子蒼

海天向晚漸霞收餘綺波澄微綠木落山高真
箇是一雨秋容新沐喚起姮娥撩雲撥霧駕此
一輪玉桂華踈淡廣寒誰伴幽獨○不見弄玉
吹簫樽前空對此清光堪掬霧鬢風鬟何處問
雲雨巫山六六珠斗爛熳銀河清淺影轉西樓
曲此情誰會借風三弄橫竹

念奴嬌

赤壁懷古

蘇子瞻

茗溪漁隱云東坡大江東去赤壁詞語
意高妙真古今絕唱近時有人和此詞
題於郵亭壁間不著姓氏語雖龐豪亦
氣槩可喜今併歸之詞云炎精中否歎
人材委靡都無英物戎馬長驅三犯關
誰作連城堅壁楚漢并吞曹劉割據白

帽今如聖昔生鑽破舊編說其豪傑○
天意建我中興吾君神武小曾孫周發
海嶽封疆俱效職在勞何曾追成翠羽
南巡叩關無路徒有衝冠髮孤忠耿耿
劍鋒冷
浸秋月

大江東去浪淘盡千古風流人物故壘西邊人
道是三國周郎赤壁亂石穿空驚濤拍岸捲起
千堆雪江山如畫一時多少豪傑○遙想公瑾
當年小喬初嫁了雄姿英發羽扇綸巾笑談間
檣櫓灰飛煙滅故國神遊多情應笑我早生華
髮人生如夢一樽還酹江月

念奴嬌

洞庭

張于湖

草堂詩餘卷之七後
三六
洞庭春草近中秋。更無一點風色。玉界瓊田三萬頃。著我扁舟一葉。素月分輝。銀河共影。表裏俱澄澈。油然心會。妙處難與君說。○應念嶺海經年。孤光自照。肝腦皆冰雪。短髮蕭騷。襟袖冷。穩泛滄浪。空濶盡挹西江。細傾北斗。萬象爲賓。客扣舷一笑。不知今夕何夕。

念奴嬌

詠梅

朱希真

見梅驚笑。問經年何處。收香藏白。似語如愁。却問我何苦。紅塵久客。觀裏栽莠。壇頭種杏。到處成疎隔。千林無伴。淡然獨傲霜雪。○且與管領春回。孤標爭肯。接雄蜂雌蝶。豈是無情。知受了多少。淒涼風月。寄驛人遙。和羹心在。忍使芳塵歇。東風寂寞。可人誰爲攀折。

念奴嬌

荷花

僧仲殊

水楓葉下。乍湖光清淺。涼生商素。西帝宸遊。羅翠蓋。擁出三千宮女。絳綵嬌春。鉛華掩畫。占斷鴛鴦浦。歌聲搖曳。浣沙人在何處。○別岸孤裊。一枝廣寒宮殿。冷落棲愁苦。雪艷冰肌。羞淡泊。偷把臙脂勻注。媚臉籠霞。芳心泣露。不肯爲雲雨。金波影裏。爲誰長恁凝竚。

草堂詩餘卷上

後集終

草堂詩餘卷下

前集



目錄

賀新郎 十首

眼兒媚 二首

點絳脣 十一首

桃源憶故人 二首

意難忘

訴衷情

訴衷情近

好事近

長相思 四首

惜分飛

如夢令 十二首

糖多令 二首

探春令

六么令

憶秦娥 九首

憶舊遊

望湘人

望遠行

望海潮 二首

望江南

渡江雲

春雲怨

怨王孫 二首

憶王孫 三首

蘭陵王 二首

南鄉子 六首

更漏子 三首

八六子

行香子 二首

卜筮子 三首

生查子 九首

江城子 二首

江神子 二首

天仙子 二首

採桑子

南柯子 二首

搗練子

女冠子 三首

何滿子

逸佛閣

過秦樓

上西樓

浪淘沙 六首

賣花聲 二首

浪淘沙慢

疎簾淡月

氏州第一

八聲甘州 二首

二郎神 二首

菩薩蠻 十首

百字韻

